



ETXEAN PROGRAMAKO LAGUNTZA PRODUKTU BERRESKURAGARRIEN HORNIDURAREN KONTRATAZIOA GAUZATZEKO ARRAZOITUTAKO TXOSTENA

AURREKARIAK:

2008ko abenduaren 5eko 12/2008 Legeak, Gizarte Zerbitzuei buruzkoak, 6.1.a) artikuluan, Prestazioen eta Zerbitzuen Katalogoari buruz ari denean, Gizarte Zerbitzuen Euskal Sistemaren helburuak aipatzen ditu eta, horien artean, autonomia pertsonala sustatzea eta mendekotasunaren ondoriozko premia pertsonal eta familiarrei aurrea hartzea eta erantzutea.

Bestalde, 22. artikulua, Gizarte Zerbitzuen Euskal Sistemako Prestazioen eta Zerbitzuen Katalogoari buruzkoak, bigarren mailako arretako gizarte zerbitzuak aipatzen ditu 2. puntuari eta, horien artean, laguntza teknikoak emateko eta ingurune fisikora egokitzeko zerbitzua.

27.2.b) artikulua xedatzen du bigarren mailako arretako gizarte zerbitzuek -22.2 artikuluan araututa dauden- bazterketaren, mendetasunaren edo babesgabetasunaren inguruko egoerei erantzun dietela. Foru aldundien gizarte zerbitzuei dagokie zerbitzu horiek eskaintzea eta betetzea, eta hala badagokie, Autonomia Erkidegoaren eremuko gizarte zerbitzuei, III. tituluko I. kapituluaren ezarritako eskumen banaketarekin bat etorrita.

41.3 artikulua arabera, foru organoen eskumena izango da, dagokien lurraldean, 22. artikuluko 2. paragrafoan arauturik dauden bigarren mailako arretako gizarte zerbitzuak eskaintzea, zuzeneko ekintza eskumena dela eta Eusko Jaurlaritzaren esku dauden zerbitzuen kasuan izan ezik.

Gizarte Politikako Departamentuaren lehentasunezko helburuen artean dago desgaitasun edo mendekotasun egoeran dauden pertsonak beren etxeetan bizitzen jarraitu ahal izatea sustatzea eta, horretarako, ezinbestekoa da pertsona horien arreta premiei erantzuteko beharrezkoak diren bitartekoak bermatzea, premiak oinarritzekoak izan nahiz autonomia pertsonalekoak edo bizitza independentekoak izan.

Helburu honekin, 2008ko abenduaren 23an 87/2008 Foru Dekretua onartu zen, ezgaitasuna edo mendekotasuna duten pertsonentzako ETXEAN programako banakako laguntzak onartzen dituen.

12/2008 Legearen ondorioetarako, laguntza teknikotzat joko da autonomiarako mugak prebenitu, konpentsatu, arindu edo ezabatzeko produktu, tresna, ekipamendu edo sistema tekniko oro, merkaturuan lehendik dagoena edo berriaz fabrikatua.

ETXEAN programaren baitan laguntza tekniko berreskuragarriak eman ahal izateko, ezinbestekoa zaio Gipuzkoako Foru Aldundiari hornidura kontratazio bat gauzatzea. Horretarako, 9/2017 Legearen, azaroaren 8koa, Sektore Publikoko Kontratuenak hainbat prozeduraren aukera ematen du, momentu honetan eta gure helburuak lortzeko lehiaketa irekia hautatzen delarik.



PROPOSAMENA:

Horregatik, **eskatzen dugu abian jartzea**, abenduaren 23ko 87/2008 Foru Dekretuak arautzen duen Etxean programako laguntza produktu berreskuragarrien hornidura kontratatzeko espedientea, honako xehetasunekin:

A. Xedea:

Hainbat laguntza produktu berreskuragarriak hornitzea.

B. Sortak:

1. lotea: Laguntza produktuak: altzariak eta higienerako elementuak.
2. lotea: laguntza produktuak: lekualdaketak egiteko tresnak.
3. Lotea: laguntza produktuak: eskailera igogailuak eta garabiak.

C. Iraupena:

- 2020ko abenduaren 31ra arte.

D. Kaudimena:

KAUDIMEN EKONOMIKOA ETA FINANTZARIOA:

Honela egiaztatuko da:

- Urteko negozio bolumena, azken hiru urtean zehar. Merkataritzako Erregistroan edo dagokion erregistro ofizialean aurkeztutako urteko kontuen bidez egiaztatuko da. Kontuak erregistro ofizialetan aurkeztera behartuta ez dauden enpresaburuek, egiaztatze horretarako ordezko bide gisa, behar bezala legeztatutako kontabilitate-liburuak aurkeztu ahal izango dituzte.

Bolumen handieneko urteko negozio kopuruari behar besteko irizteko, ondoren sortaka aipatzen diren kantitateak adinakoa izan beharko du horrek, gutxienez:

- 1 sorta: 40.000 euro.
- 2 sorta: 120.000 euro.
- 3 sorta: 140.000 euro.

KAUDIMEN PROFESIONAL EDO TEKNIKOA:

Ondoren adierazten den moduetan egiaztatuko da:

- 1 sorta: 20.000 euro.



- 2 sorta: 60.000 euro.
- 3 sorta: 70.000 euro.

- Azken hiru urteetan egindako hornikuntzen zerrenda, kontratuaren xede berekoak edo antzekoak direnak, horien zenbatekoa, data eta hartzailea publikoa edo pribatua izan den adierazita. Organo eskudunaren ziurtagiriaren bidez edo enpresariaren aitortpenaren bidez egiaztatuko da azken hiru urteetan bi lan egin dituztela, kontratu honen xede berekoak edo antzekoak, ondorengo edo gehiagoko zenbateko exekutatuarekin sorten arabera (BEZa barne):

- Enpresak kontratua gauzatzeko zer teknikari edo unitate tekniko (enpresa barrukoak izan nahiz ez), batez ere kalitate-kontrolako arduradunak, dituen jakinarazteko adierazpenaren bidez.

Lizitazailea sorta bat baino gehiagotara aurkezten bada, ulertuko da erakundeak behar besteko kaudimen ekonomiko, finantzario eta tekniko duela, eduki ekonomiko handieneko sortarako ezarritako bitarteko eta irizpideak egiaztatzen baditu.

E. Azpikontratazioa:

- Ez da zerbitzu kritiko azpikontrataezinik zehazten.

F. Esleipen irizpideak:

1.- BALIO-JUDIZIOAREN BIDEZ BALIOESTEKO IRIZPIDEAK:

1.1.- Ezaugarri teknikoak eta elementu osagarriak zein ordezekoak sartzea: 12 puntura arte

Eskainitako elementuen ezaugarri teknikoak baloratuko dira (funtzionaltasun zein prestazioen aldera). Zehazki, baldintza teknikoek elementu bakoitzerako ezartzen dituzten ezaugarriekiko egokitasuna baloratuko da, beraien erabilgarritasuna eta elementu osagarriak eta ordezekoak txertatu izatea, administrazioari inongo kosturik eragin gabe.

2.- FORMULA BIDEZ BALIOESTEKO IRIZPIDEAK:

2.1.- Prezioa: 84 puntura arte

Lizitazaileek aurkeztutako eskaintza ekonomikoen balorazioa egiteko, prozedura honi jarraituko zaio:

1) Balorazioa unitateko prezio bakoitzeko egingo da. Kontzepturen batean eskainitako prezioa lizitaziokoa baino handiagoa bada, enpresaren proposamen osoa baztertuko da, eta enpresa lizitaziotik kanpo geratuko da.

2) Eskainitako prezioetan lizitaziokoak baino handiagorik ez dagoela egiaztatu eta gero, unitateko prezioak banaka-banaka baloratuko dira.

Balorazio hori kalkulatzeko, 0 puntu emango zaizkio lizitazio oinarria berdintzen duen prezioari, eta, hortik behera, % 1eko jaitsierari 2 puntuko gehikuntza esleituta, proportzioan emango da jaitsierari dagokion puntuazioa, gehienekoa 100 delarik, jaitsiera % 50ekoa denean.



X eskaintzaren puntuak (100en gainean) = 2 x X eskaintzaren baja (100en gainean).

Beharpena izanik: Lizitazio prezioa - X eskaintza) / Lizitazio prezioa.

Baldin eta, eskaintzetako jaitsieraren batek edo batzuek % 50a gainditzen badute, balorazioa egiterakoan 100 puntu emango zaizkio jaitsierarik handienari, eta 0 puntu, berriz, lizitazio prezioari. Gainerako puntuazioak bi puntu horien arteko interpolazio bidez lortuko dira.

Ponderazioa:

1 sorta: Laguntza produktuak: altzariak eta higienarako elementuak.

Artikulua	Ponderazioa
14045 Eskubanda eraisgarria (bakarra)	% 66,67
14041 Oheoina / oheburua	% 33,33
Guztira	%100

2 sorta: Laguntza produktuak: lekualdaketak egiteko tresnak.

Artikulua	Ponderazioa
11040 Laguntzaileak gidatzeko gurpil aulkiarentzako motor sistema	% 33,81
11041 Laguntzaileak eramateko gurpil aulkiarentzako sistema berezia	% 16,39
11050 Scooter edo antzekoa S	% 9,87
11051 Scooter edo antzekoa L	% 27,79
11011 Gurpil aulki motorduna, oinarritzko gama	% 6,82
11012 Gurpil aulki motorduna, gama ertaina	% 5,32
Guztira	%100

3 sorta: Laguntza produktuak: eskailera igogailuak eta garabiak.

Artikulua	Ponderazioa
12117 Eskailera igogailua, OR beldar-kate motakoa < 1 m, eta 35 gradurako	%40,88
11214 Zikoina-garabi mugikor txikia motorduna	% 12,65
11215 Zikoina-garabi mugikor ertaina motorduna	% 8,31
11211 Zutikako garabi txikia motorduna	% 32,63
11212 Zutikako garabi ertaina motorduna	% 5,53
Guztira	%100

2.2.- Elementuen berme-aldi gehigarria eskaintzea:

4 puntura arte.

0,17 puntu emango dira eskatzen den gutxienekoa (24 hilabete) gainditzen duen hilabete bakoitzeko. Gehieneko murrizketa puntuagarria 24 hilabetekoa izango da. Balorazioa eskaintza ekonomikoetarako lortu nahi den ponderazioaren arabera egingo da.



G. Bestelako xehetasun batzuk:

Ez.

Donostian 2020ko azaroaren 17an

Ander Zapiain Usandizaga

Mendekotasunaren eta Desgaitasunaren arretako zerbitzburua